

弄丸心法卷五 雜症

新都張興龍校刊

方歌小引

方歌者。恐人臨症無方。彷彿立方。難免錯誤者也。故每症之下。立有數方。君臣佐使合宜。加減變化不錯。必至藥到病除之靈。而後選入此。古人立方之苦心。卽濟世之良藥也。何可不讀。臨局時。須審此是何症。應用何方。與我方歌中何方。恰合無疑。加減何藥。更妙。然後開方治之。則藥到病除矣。此非我之能記誦之能也。我輩得古人之便宜。其利多矣。豈可忽乎哉。

寅申二年。少陽相火司天。厥陰風木在泉。火勝金衰。

厥陰風木在泉之歲。主病主治。

風淫勝。地氣不明。洒洒振寒。善伸數欠。心痛支滿。兩脇裏急。飲食不下。鬲咽不通。嘔腹脹。善噫。病本於脾。治以辛涼。佐以甘苦。

桂枝湯 生黃芪湯 調中益氣湯 平胃二陳湯

逍遙散 補中益氣湯 玉屏風湯 補中合生脈飲

發散湯 茯苓補心湯 六味地黃湯 眞元散

清解湯 金水六君煎 四君四物湯 大補元煎

傷風

邪從三陽皮毛而入。初則發熱。不惡寒。只惡風。汗出。頭痛。治法當先散表外邪。去後則清解內熱。風乃百病之長。六淫之首。四時之中。風之寒暖不同。八方之間。風之虛實當分。風之變病難言矣。至四時不能謹護。易於感冒。其邪由皮毛而入腠裡。居於脈外之衛分。病名傷風。重者洒洒惡寒。翕翕發熱。鼻鳴。乾嘔。脈浮緩。而有汗。有惡風。卽發熱者。有惡寒。不發熱者。久而身壯熱者。爲風傷衛。仲景用桂枝湯解肌。或加防風。桂枝湯治太陽風。甘草芍藥姜棗同。桂麻相合。名各半。太陽如瘧。此爲功。凡脈浮。或浮緩。浮弦。微數。身熱。自汗。頭痛。鼻塞。鼻鳴。乾

嘔面熱咳嗽者皆風也。病輕桂枝一錢。防風八分。重者加羌活五分。獨活八分。柴胡八分。前胡八分。此內傷加藥法也。

其有非時暴寒。人偶觸之鼻塞頭痛咳嗽清涕惡寒發熱者。人亦謂之傷風。不知卽三時之寒疫也。以生黃耆湯主之。

生黃耆湯。防風。桂羌活。川芎。炙草配。生姜作引用。熱服。隨押米飲。風卽退。

若人元氣素弱。不能解者。以補中益氣湯。加蘇葉卽解。補中益氣耆朮陳升柴參草當歸身。虛勞內傷功獨擅。

亦治陽虛外感。因木香蒼朮易歸朮。調中益氣暢脾神。
如汗出不止。外無表症。以玉屏風湯主之。
玉屏風湯。炙黃耆。白朮。防風。生姜。齊肉。虛汗多加肉桂。
補正祛邪甚爲宜。
一傷風熱症。鼻塞。喉痛。咳嗽。清涕。或乾咳。煩熱。目赤腫。
痛。以逍遙散加前胡。主之。咳甚者。茯苓補心湯主之。
逍遙散用當歸。芍。柴。苓。朮。草。加姜。薄。散。鬱。除。熱。功。最。奇。
調經八味丹。梔。着。
茯苓。瀉。心。人。參。蘇。夏。葛。陳。前。枳。桔。芎。木。香。白。芍。歸。地。草。
心煩脈大。細數。需。

傷風解散後咳不止者。以金水六君煎三之。邪不解加柴胡。

金水煎中當歸地。陳皮半夏茯苓具炙草姜煎食遠服。肝腎虛寒痰嗽症。

然此或有內傷而後外感者。或先有外感而後內傷者。此則專因房勞兼病。非仲景傷寒所謂兩感也。人患此病。舉世不能有治。卽治全活者亦甚少。欲攻外邪愈損正氣而虛怯以死。欲補正氣反助外邪而燥熱以死。豈俗謂內外兩受風寒暑濕乎。且自古明公不惟仲景傷寒諸篇無一言及。卽東垣內傷外感論言之甚詳。尙悞

認內傷發熱。爲外感發熱。因身若何爲內傷當補。若何
爲外感當發。至於內外兼病。并未論及。亦無治法。丹溪
亦言之未詳。古人未傳。安怪時醫之不能治此症也。患
此病者。初起一二日。寒邪在表。以發散湯主之。繼則脈
沉數在裏。以清解湯主之。
發散蒼桔赤防風。羌干陳皮白枳芎。內虛汗多加肉桂。
細草香附前胡蘇。兩感風寒此爲最。脈浮在表甚有功。
清解湯中葛根蘇。柴前赤壳與麥冬。朱澤上荷草知母。
脈來沉數此爲宗。
一汗之後。脈自平伏。體壯者自愈。如體弱者。神微神虛。

即當補陽。用補中益氣湯主之。陰虛補陰。六味地黃湯主之。或逍遙散之類。自可取效。此先儒未發之蘊義也。六味湯中君熟地。山藥澤瀉茯苓。具丹棗二皮同爲使。喘嗽麥冬加五味。舌黑芒刺甜花粉。滋陰降火此爲最。若汗後不補。表虛發熱。陽氣外散。不可救也。然患此症。更有日久而外邪入裏。遂至鬱熱。及庸醫誤投藥餅。引表入裏。變生多症。卽高明鮮不爲之束手。余設有治法。夫元氣固虛。邪熱又甚。必先清其鬱火。以清解湯主之。數劑脈平。便當通利。定當補其內虛。脈下參詳而酌用之。且用藥不可太過。亦不可太雜。須緩進以候其天定。

靜處以候其神復。雖危亦安。

今人澆薄。內傷亦多。間有外感。多係虛邪。及不正之氣。真正傷寒熱病最少。亦不待強邪。正氣早已困憊。故治病全在一個內傷底子。分別加減用藥。內傷底子有三般。一氣虛。一血虛。一飲食氣虛。凡氣短倦怠。不食少食。或吐或瀉。飲食不化。心戰神怯。畏寒背寒者。是也。血虛。凡面黃肌瘦。夜熱潮熱。心煩怔忡。面赤口乾。二便艱澀。不能飲冷。或咳或嗽。衄血失血者。是也。飲食。凡飲食內停。飲食不化。吞酸吐酸。胃痛腹滿。五心煩熱。惡食不食者。是也。氣虛以四君湯加減作底。血虛以四物湯加減。

作底。飲食以平胃二陳湯加減作底。四君子湯中和義。參朮茯苓甘草比。益以夏陳名六君。祛痰補氣陽虛餌。除却半夏名易功。或加香砂胃寒使。四物地芍與歸芎。血家百病此方宗。八珍合入四君子。氣血雙療甚有功。除却蒼朮地與甘草。加米煎湯名胃風。平胃二陳合作湯。蒼朮陳皮紫厚良。炙草茯苓和半夏。姜棗煎湯甚堪嘗。痰飲食滯作底用。加減在乎人之長。凡遇風寒暑濕。審其的症。加入二三味去邪之藥。立可解除。若病久必傷根元。腎中真水真火虧敗。則八味六味丸兼用。

六味湯中加附桂。上熱下寒必須用。脈來浮洪按微弱。此是陰虛假熱候。麥冬五味應所加。衄血齒血牛夕用。甚加龜膠二三錢。大熱如烙盡皆退。或脾氣下陷。則肺氣先絕。一切危症俱現。用補中湯合生脈散。多能轉危救敗。補中益氣生脈合。麥冬五味參耆朮。歸陳升柴草。生姜。脾肺虛喘用元肉。

或陰虛氣浮。則獨用貞元飲。

貞元飲中歸地草。楊氏加入女真好。精不化氣子午煩。呼吸難接喘不了。解散不退用此方。當在方內多加藥。

或精氣兩減。則必用大補元煎。此七方加減神明而用之。
大補元煎。參歸地。枸杞杜草。山棗皮。精氣兩虛諸危症。
扶元救敗寒熱宜。

凡遇久病。先固胃氣。飲食得入。藥乃有濟。參朮頻頻。勿厭多劑。若逢新病。先審宿根。或因血虛。或氣彫零。或挾宿食。痰飲氣凝。是三因者。病之根底。氣虛補氣。四君爲君。血虛補血。四物亦靈。痰食宿食。平胃二陳。氣鬱逍遙。以審其因。風寒暑濕。隨症加增。精專數味。重重輕輕。隨脈而施。合宜而行。用之得法。王道如神。

丑未二年。太陰濕土司天。太陽寒水在泉。土勝水衰。

太陽寒水在泉之歲。主治。

寒淫勝。小腹控。引腰脊。沖心痛。血見。噎痛。頰腫。病本於心。治以甘熱。佐以苦辛。

麻黃湯

眞武湯

大青龍湯

人參白虎石膏湯

葛根湯

四君湯

大承氣湯

調胃承氣湯

貞元飲

四逆湯

小承氣湯

附子理中湯

豬膚湯

苦酒湯

六味地黃湯

甲己化土湯

烏梅丸

半夏湯

八味地黃湯

麻黃附子細辛湯

黃連阿膠湯

黃連解毒湯

通脈四逆散

溫桂枝湯

溫麻黃湯

涼九味羌活湯

涼小柴胡湯

涼柴葛解肌湯

補中參桂枝湯

健中湯

理陰煎

補中益氣湯

大溫中飲

和五積湯

小青龍湯

葛花醒酒湯

香蘇散

靈應散炙甘草湯

參脈散

人參白虎湯

玉女煎

七味湯

補陰益氣煎

右汗下和溫補五法之中。而又立五散法。曰溫涼補和滋五法。此五者施之得當。一汗而愈矣。

傷寒

傷寒另立一科。誠危劇大症。非精通仲景書。不能治之。今立六經大畧。以示初學。一日二日來在太陽。太陽分

三症。上太陽者。中風是也。卽前論治也。中太陽者。傷寒是也。其症頭痛。身痛。嘔逆。拘急。脈浮緊而無汗。爲寒傷營。仲景用麻黃湯以發汗。

麻黃湯中用桂枝。杏仁。甘草。四般奇。發熱惡寒。頭項痛。傷寒服此。汗淋漓。加入石膏。與姜棗。風寒兩解。青龍宜下。太陽者。或中風症。見傷寒脈。脈浮緊而有汗。或傷寒症。見中風脈。脈浮緩而無汗。更加煩燥是也。爲風寒兩傷營衛也。仲景以大青龍湯兩解。但麻黃青龍二湯。用之。或悞。卽變亡陽。仲景設真武湯爲救法。大青龍湯。麻桂草。杏仁。石羔。生姜。棗。真正傷寒用此劑。

服後見汗只宜早。在二下滿坐。後黃連五錢。以水煎之。服之。真武湯中壯腎陽。茯苓朮芍附生薑。少陰腹痛有水氣。悸眩暈。惕保安康。

二三日病傳陽明。陽明亦分三症。前陽明症者。太陽風寒之邪傳入胃經肌肉之間。其邪在於經絡也。目痛。鼻乾。不惡寒。反惡熱。汗出頭痛。脈浮而長。汗少。項強。不嘔者。葛根湯加花粉主之。

葛根湯治陽明經。麻黃桂枝生薑棗。白芍甘草和內熱。脈浮而長爲所祖。汗出頭痛不嘔症。正治陽明加花粉。汗多乾嘔。口大渴者。人參白虎石羔湯主之。